

國家圖書館藏

綫裝書局

中華歷史人物別傳集

傳稱登高能賦遇物能名為卿大夫之才者何哉能賦則熟悉其山川原隰之廣陬道里之夷險能名則習知其草木鳥獸重魚百物之情狀以辨夫土風而察乎物理而政教出焉學識廣焉此古之所以貴閎覽博物之君子而謂其可以為卿大夫也侍講學士高君以著作之才見知

當宁入直

清禁

車駕有所臨幸輒命以從于時

卷之五

六飛雲馳鉤陳蓬午君以一書生出入於羽林射

生間終日不離

乘輿左右晚憇行帳饑不及餐則觸事成咏或倉卒

應

制據鞍疾書不經刊度而妙合風雅時蒙

上賞歎數

召入帳殿賜食夜深乃退君又以其間作行記首書

上膳謁

陵以章

聖孝之純篤紀

御製詩以著

宸藻之光華志列圍射虎以明

神武之餘畧述寬城駐蹕之

明諭以見不忘創業之艱難序宴資蒙古四十八部

落以示柔遠之模

聖朝威行塞外之盛至于與圖方名之外博采旁羅

纖微具舉足備

昭代之典故而資文人之談咏者非一以此知傳

所謂卿大夫之選者非高君其孰當之也常歎

盛漢之隆司馬長卿枚生東方曼倩王子淵張

子僑諸人以文學後先侍從於武宣之世而枚

生輩不為天乎所重非若後世登瀛之選子淵

卷之五

等所至宮館輒為歌頌徒以淫靡見譏于時明

金文靖從太宗北巡著前後二錄然皆以師行

又其主不文非有登臨閒燕君臣唱答之樂以

視高君今日何如哉高君既負閎覽博物之才

而又遽不世出之遇吾知其朝夕論思以仰報

深眷必有遠過乎前所云諸人者而是編亦其每念

不忘

君之一徵也與康熙甲子仲夏崑山徐元文拜譔

松亭行紀卷上

內廷供奉翰林院侍講臣高士奇

康熙二十年三月二十日癸酉

上奉

太皇太后行幸溫泉兼巡塞外平明

法駕出東直門龍旂鳳蓋照耀川原午張黃幄尚食

上躬親侍膳

太皇太后鑾輿早晚出入

上橐鞬騎導執禮恭謹道路觀瞻咸頌

聖孝隆古未有也

駐蹕李家橋

松亭行紀卷上

召入

帳殿賜食夜深而退此後率以爲常不盡紀

扈從恭紀二首

金麾玉轡動鳴鑾宮扇開時夾道看淡蕩柳風

初換律龍蔥花氣不驚寒天倫有樂誠非易

帝孝無涯禮更難此日宸瀛同頌祝呼嵩遙徹五雲

端

晴光藹藹下雲衢喜見

天家禮數殊六膳午調

親捧爵九旂晨動自經塗春淡晚葉藏啼鳥風細輕

輪轉相烏藻衛前頭時載筆擬將三輔繼黃圖

甲戌天氣融和春風駘宕有晴光送遠目勝氣入幽襟之意

駐蹕三河縣之兔東馬房按通州境上有煙墩五曰

石里燕郊東畱村大黃莊高麗莊有子場三曰

崇教鳴玉花園又有馬房八自鄭村壩以下俱

在城北三四十里內乃前朝篆牧之所是夕侍

於

帳殿

上曰明日當經盤山爾曾遊否臣士奇對曰昔聞盤

山乃畿輔名勝之地未曾登歷每切夢想

上命侍衛一人同臣明晨往遊兼

松亭行紀卷上

諭臣士奇曰上盤中盤及李靖菴淨業菴林木泉石

尤爲幽邃不可不到須窮一日之力從容眺望也

臣拜

命而出

乙亥曉行殘月尚在馬首同侍衛取徑盤山時

訪山家經漁子山在平谷縣東北十里上有大

塚舊傳黃帝陵也其上有軒轅臺下有軒轅廟

唐陳子昂詩云北登薊丘望求古軒轅臺尚想

廣成子遺跡白雲隈唐書子昂擢右拾遺會武

攸宜討契丹高置幕府表子昂參謀次漁陽攸

宜輕易無將略子昂諫之薊丘古漁陽地今讀

其覽古詩前有小序云丁酉歲吾北征出自薊門歷觀燕之舊都慨然仰嘆憶昔樂生鄒子羣賢之遊盛矣因登薊丘作七詩以志之此其一也城南五里逆流河之西有看花臺相傳金章宗玩花于此俱未及登策馬行二十里許遙望峰崖層峭怪石磊落松栝千株扶疎高下悉託根石上叢條交蔭時方春夏之交景物明媚山花半謝山鳥亂啼細路峻峭馬爲屢却憩李靖菴菴後有峰高二里頂廣四丈而平爲李靖舞劍臺云靖伐高麗過此唐李從簡來遊爲題數字嶺上一石如人著幘頭坐而又署土人目爲

松蘿行紀卷上

三

石尉遲東十里爲雙峰寺過砂嶺高二百餘仞樵路宛轉僅通人行灌莽荒榛未得安步循巖數十轉心目漸高每度一折山情易向樵聲自谷中起下視初不見人又二十里將抵上盤積石齒齒時聞人語在天上亦不敢仰視橫嶺懸度積石相乘直上可三百尺至盤頂雲罩寺下視村落但見柔煙巔有舍利塔登覽極遠志稱影落塞外上有二龍潭下有潮井小坐憩息復尋少林寺寺傍紅龍池鑿石如龍以朱塗之甚不可解稍下爲中盤寺一泉出峭壁草石間曲折作溪徑石竇下爲砂河戊午九月

上遊中盤寺愛其幽勝書戶外一峰兼

御製詩曰中盤遙見蓮花峰日出山林氣色重老衲題詩渾半偈翠輿臨發又從容今鑄于石亦茲山之榮遇也將遊淨業菴天已垂暮山光嵐氣濛濛濕衣下山行二十餘里抵

御管已二鼓矣誌載盤山一名盤龍山在薊州西北二十五里高二千仞周百餘里勢磅礴而盤桓因以爲名昔人有云南距滄溟西盡河水東放碣石自遠望之層巒疊翠峯崖排空殆非虛語駐蹕薊州所屬鄭家莊北得記一篇詩十首賜遊盤山記

松蘿行紀卷上

四

康熙二十年三月二十日

鑾輿東巡臣士奇以職在禁近得從屬車越明日道經薊野盤山翠色落人衣裾

上念臣性耽林壑命往遊焉凌晨策馬由平谷登大

嶺緣仄徑至李靖菴觀舞劍臺歷青陽峪猿攀蟻附凌高降溪二十餘里過雙峰寺至峰頂登黃龍祖師殿及舍利塔俯視盧龍古塞黃花白狼三千里外烽臺濠塹瞭然目中真大觀也憩雲罩寺僧指淨業上方白猿洞天門開諸勝人踪希絕悵然久之循山徑遊古中盤十餘里中巖谷溪隱積石趾錯泉琤琮流石罅襍離蔚蔚

屢引清興入正法院仰瞻

御製遊盤山詩雄渾高華增輝巖穴夫盤山屹立薊門遠望之渾然一峰入山則奇峰疊出而九花雙峰紫蓋挂月自來爲尤著盤桓起伏百有餘里水石潺湲古松萬株鬱鬱蒼蒼然山之所以獨擅其勝耶至其土人所言除夜聖燈爲山中靈蹟則臣未之信也臣少懷微尚分當隱約窮岫

知遇以來待詔金馬門者七年出入於紫宸者又五年早夜兢兢不敢自佚雖遙想靈山有愛嘉名無由欣對豈期豹尾之下遂有閑遊之人登臨

盤山行紀卷上

五

永日亦足以融養淳淑遂其所適之性耳雖遐心之可託實

君恩之難忘執筆賦詩明其澹泊之志而已

盤山

昔讀囊中記茲山勞夢想十年思一遊塵事日鞅掌屣蹕過薊門承

恩忭觀賞驅馬踰崔嵬趣途漸溪廣縈迴石徑紆盤旋下復上山勢兀嶙峋奔崖盡骭蹏緩策登危峰煩襟爲一爽嚶嚶野鳥鳴汨汨山溪響暮春天氣佳小憩在林莽松泉臣所須性志本疎朗茫茫屬車塵詩曳青藤杖從來箕頰心對此聊

俯仰

李靖菴

夾天開小徑窄寧隱諸峰黛色千崖石濤聲萬壑松林深微見寺谷靜遠聞鐘虛閣何年借聊清塵外蹤

雲罩寺

蘿磴雲中出花宮象外懸登臨空大漠呼吸逼青天締構神功健香燈寶地傳無生難可問小坐亦泠然上盤絕頂

千仞聳危岫孤高數上盤扶筇看更險捫葛步

盤山行紀卷上

六

仍難天外松風落崖邊草色寒塵襟一以滌獨

立感無端

登舍利塔

穿雲尋雁塔掃石憩山椒晴影臨邊塞天風下沈寥斷堦苔半掩廢碣字全銷颯沓聞清鐘鈴聲徹半霄

古中盤

丘經茲多美流連空復情出山泉決決遷樹鳥嚶嚶暝色催歸騎樵歌引客程何如友麋鹿日臥香蘅

正法禪院

一徑入空林重巖秀色淡覽來青嶂下聊暢白
雲心澗影留僊蹕山光動
睿吟今朝遍幽賞歸路日將沉

自雙峰寺望上盤山

率律雙峰日已西空山寂寂鳥頻啼依稀樵徑
無人跡只有花香送馬蹄

松下禪扉報午鐘溪橋路斷白雲封山僧指點
遙岑寺猶隔巘岼四五峰

下盤山作

撲面紅塵暗客衣年來蠟屐事全稀却從仗外
看山色一路題詩歷翠微

卷上

七

丙子曉起入侍

帳殿

上問爾遊盤山曾有詩否臣士奇對曰北地山川類
多雄偉盤山細石長松境獨幽秀真爲名區疇
昔夢寐思得一遊不意扈從之時蒙

恩賜臣登眺行幄中曾草記一篇詩數首所懷尚未
能盡

上曰俟至溫泉錄出朕將覽焉

駐蹕遵化州所屬稻地里

丁丑惠風初拂見山家桃花掩映籬落得詩一
首

駐蹕遵化州所屬蔡家莊

見山家桃花

三月年光過漸稀尚餘紅蕊綻山扉多應野外
無拘束留得春光緩緩歸

戊寅扈

蹕登景忠山山在遷安縣界亭亭孤峙高數十丈鑿
石爲磴折旋而上路徑陡絕歷十餘級一轉輒
有小祠可以坐憩其巔祀碧霞元君殿宇華潔
香火甚盛

上登防從容早至絕巘臣愧無濟勝具追隨獨後
上題靈山秀色四字

卷上

八

命侍衛掖臣而升午後微雨經三屯營郭郭堅固居
人駢襟明總兵戚繼光鎮此路傍祠廟多祀之
駐蹕遷安縣所屬灤河岸遷安本漢之令支縣今音
零支音岐卽離支也東漢縣廢遼始於令支故
城遷定州安喜縣于此置安喜縣金大定間始
易今名桑欽水經曰濡水從塞外東南過遼西
令支縣北鄭道元注云濡水出禦臺鎮東南其
水二源雙引夾山西北流出合成一川又西北
逕禦臺故城東鎮北百四十里北流左道則連
泉水注之又西北逕淶水池南其水淵而不流
又曲而東逕故城北連結池沼謂之連泉浦又

東北注難河右則汗水入焉水出東塢南西北
流逕沙野南名曰沙鎮西北入難河濡難聲相
近遂語譌耳濡水又北逕沙野西又北逕箕安
山又北流逕林山北有池潭濡水又東南流逕
令支縣故城東王莽之令氏亭也壽河水入焉
水出令支縣藍山南後魏輿地風土記云藍山
者其色藍翠重疊故名之也又一統志云灤河
源自口北開平來逕遷安縣界至盧龍縣南合
漆河四十五里入灤州又南至樂亭縣入於海
又灤州志灤河在州城東三里發源於炭山亂
泉潰湧合流東一百二十里至宣府又東北一

登春集卷上

九

百二十里至雲州堡又東北三百六十里至桓
州又自桓州過口北又自北而南入上都開平
界東流七百里至樂陽營又一百六十里至遷
安縣又東南六十里至盧龍縣西南合流於漆
水又南四十里至灤州又南五十里至岳婆港
夾樂亭縣東爲葫蘆河西爲淀流河合流六十
里至馬頭營又二十里爲綠洋溝入於海按灤
水前皆無名禹貢夾右碣石入於河註云其水
如遼濡漳易皆中高不與河通故必自北海然
後能達河也漢地理志遼西郡肥如縣註玄水
東入濡水濡水南入海陽顏師古曰濡音乃官

反遼史黃潞水北出盧龍山南流入於濡水而
五音集韻則云濡水名一作湔在遼西肥如海
陽又云濡奴官切蓋音灤也方氏通雅亦曰濡
水音乃官反今字書韻書失此音据此則今水
有灤而無濡且湔灤字形相類豈古或通用而
然耶

駐蹕遷安縣所屬灤河岸

登景忠山絕頂應

制

曉仗肅前驅遠峰忽迎面騁目迷煙蘿游鞅豁
蔥蒨偈仄馬難旋鬱紆磴屢變五步十步中髡

登春集卷上

十

髯樓閣現直上丹梯懸橫題金粉絢天風引
翠華斯須若奔電峻陟慙微躬傳呼復扶倩憑虛
迺振衣心悸目猶眩俄驚巔崖間飛翥盡美善
山光愜

睿情萬靈答隆眷

扈從過三屯營

百雉巖巖古鎮雄野祠多祀戚元戎荒屯黃犢
耕春雨老樹烏鴉噪晚風壁壘遙分榆塞北旌
旗曾駐薊門東登壇將略今誰在寂寂花開亂
草中

已卯河干設

帳殿慢城

上奉

太皇太后駕臨觀覽

上率侍衛操小舟捕魚以奉晨餐聞

太皇太后慈顏喜悅賞資甚厚隨從舟中者皆得拜

賜焉賦恭紀詩一首未刻

上坐帳殿中臣士奇侍

上言灤河之水來自塞外論斷形勝如觀指掌仰見

震襄經天緯地之學非臣淺陋所能窺測也晚復張

宴岸側宴內大臣及近侍諸臣天既薄暮隔河

山色輕翠迎人波光蕩漾青林送影臣士奇蒙

賜紫金杯酒且

諭臣曰今晚可不侍行殿必飲此杯也臣士奇感

恩飲畢再賦恭紀詩一首仍

駐蹕遷安縣所屬灤河岸

駐蹕灤河恭紀

崔嵬帳殿俯清流波影灤河曉霧收隔岸蒼巖

開畫障傍筵芳樹隱丹鷟銀梭入饌初張呂翠

釜烹鮮正泊舟爲奉

慈仁心豫悅漫云灞滻作春遊

灤河侍宴恭紀

澄波浩浩漾斜暉手捧金螺坐翠微捲幔河山

來

帝座按圖形勢繞皇畿潛鱗競向頽陽躍白鷺遙看

破暝飛何幸叨逢瑤水宴身同藻荇沐光輝

庚辰

駕回幸溫泉

駐蹕遵化州城東按遵化本漢右北平境唐于此置

馬監及鐵冶因縣焉今因

陵寢重地改爲州治志稱遵化北有五里河源自片

石谷口流坡谷間數里始合沽河又湯河出鮎

魚口黎河清水河出道溝峪口俱西南流會沽

河水經注云沽水又南出峽岸有二城世謂之

獨固門以其藉險憑固易爲依居兩壁昇聳疏

通若門今獨固門一名龍門在遵化州南十餘

里上合下開開處高六丈許水自懸崖傾瀉而

下觸石成井奔盪之聲轟然若雷石門峽在遵

化西五十里有石將軍在峽西高三丈水經注

云灋水又東南逕石門峽山高嶄絕壁立洞開

俗謂之石門口漢中平四年漁陽張純反殺右

北平太守劉政五年遼東太守楊紘與中郎將

孟溢率公孫瓚討純戰于石門大敗之卽此地

也

辛巳

太皇太后駕至溫泉宮是日

上謁

孝陵隨往

仁孝皇后

孝昭皇后陵

駐蹕鮎魚池行宮鮎魚池舊有城堡以山頂石似鮎

魚故名湯泉在遵化州西北四十里福泉山下

寬平約半畝許有泉沸出明總兵戚繼光鑿石

爲池築堂其上曰九新

世祖章皇帝駕常臨幸命建宮其旁丹碧而已不加

華彩其池更以白玉石甃之深二丈方四尋鑿

松蘿行紀卷上

三

石爲龍吻噴甚怒其泉淡碧可鑑氣極溫煖投

錢池中翻若黃蝶百折乃至底四壁碑刻唐順

之汪道昆周天球詩最後一小石刻明武宗官

人王氏詩云絕塞窮冬凍異常小池何事煖如

湯可憐一脉溶溶水不爲人間洗冷腸又有寒

泉去湯泉數武出于泥沙以劑泉之溫明王衡

湯泉記曰泉本寒沁有石根可一畝類焦釜覆

之水受石性故沸所不及則否蓋數武之內而

水火共鼎亦一奇也宮右有寺建自貞觀二年

名福泉寺攷博物志云凡水有石流黃其泉則

溫或云神人所煖主療人疾唐子西云或說貴

州地性酷烈故山谷多湯泉或說水出硫黃地

中卽溫今臨潼湯泉乃在正西而貴州餘水未

必皆熱則地性之說固已失之以硫黃置水中

水未必皆熱則硫黃之論亦未爲得竊意湯泉

在天地間自爲一類受性本然不必有待然後

溫也水經注云古右北平徐無城北庚水出焉

西南流與灋水合又東南流與溫泉水合按魏

土地志云徐無城北有溫湯宋王存九域志遵

化縣福泉山下水沸出溫可燂雞旁引爲池方

平如鑑而水經注言溫泉水源出北山溪是今

福泉疑卽溫源也南流百步伏入地中又折而

松蘿行紀卷上

四

東南逕石門峽是卽今石門口也是歲三月六

日以

兩皇后山陵之役扈從諸臣蒙

恩賜觀湯泉同大學士臣明珠李蔚尚書臣梁清標

吳正治魏象樞朱之弼王熙左都御史臣徐元

文侍郎臣楊永寧李天馥項景襄杜臻翰林院

學士臣張英侍講學士臣張玉書詹事臣沈荃

王颺昌蔣弘道通政使司通政臣王盛唐大理

寺卿臣張雲翼太常寺卿臣崔澄編脩臣杜訥

及臣士奇賦詩應

制將勒石以垂不朽今附臣詩於左

三月六日

駐蹕馬蘭谷今多呼作峪

賜觀溫泉應

制有序

蓋聞炎精所蘊氣蒸山下之蒙陽德方升煖應
谷中之律惟聖人出而地不愛寶斯靈澤通而
天其降祥茲溫泉者邇薊苑之神臯當漁陽之
勝地一峰特秀湧瑤波銅浦之奇二水分流具
養德和神之用恭遇我

皇上格天大孝欽奉我

太皇太后應地弘慈御此仙源聿增景福爰選

松蘿行紀卷上

圭

萬幾之暇時乘六龍以從雲輶引鸞輅齊驅孝推一

本野日共山花俱粲慶溢九垓斯

帝室之鴻庥洵天倫之樂事然循源覽石不聞唐宗

增飾之勞緣砌築官祇同陶后土茅之略避九

成之暑鄙彼甘泉乘三月之和踵於上已臣獲

隨

龍馭式觀

天心祇奉

明綸再廣巴奏蕪俚不剪難宣醴瑞於堯年祝願何

窮竊比蒲生夫舜日五言恭賦四律兼成

碧燼疏靈液虛明湛一泓入階同草色響溜作

松聲朔野寒堪辟春山暖倍生真看涵育遠萬
彙荷相成

文母調神處山阿玉輅通丹臺開殿迥白石甃池工

表瑞稱炎德承歡洽

聖衷茅茨仍不剪樸略有唐風

半嶺駐鳴驂仙源

詔許揆沼中浮淑氣空外捲晴嵐澗石流仍潔分

杯味獨甘由來湯谷裏不羨菊花潭

勝日宜登覽川原夕照開澗花含宿雨隴麥拆

輕雷前一日地接

園陵近班隨岳牧來太和蒸宇宙遙作五雲堆

松蘿行紀卷上

夫

皇上奉

太皇太后駐蹕溫泉宮恭紀

離宮湯殿接清虛龍首澄泓暖溜潄碧草遶分

貌虎衛紅雲低護鳳鸞輿

天恩自許陪仙仗臣職何堪注起居巖下松蘿煙靄

合龍蔥佳氣萬年餘

壬午黎明

上詣

孝陵致祭臣士奇賦恭紀詩十六韻

駐蹕鮎魚池行宮

扈從謁

孝陵恭紀十六韻

峻極開神域潛靈結奧區網緼羣象集起伏衆
山趨秀嶺看千疊平陽面一隅豐碑何截臬復
道盛規模蔥鬱長松古潏潏曲澗紆春林花燦
爛曉嶂樹扶蘇翹首瞻

陵闕攀髯憶鼎湖肇基弘

帝業闡運握乾符雨露寰瀛洽烽燧率土無萬年綿
玉曆廿載闕珠襦柏殿丹雲護苔階石馬跼遺
衣同禹服廟器列商瑚穆穆

皇情遠森森羽衛驅輕風生蓬谷薄霧隱崇途拜謁
微班忝齋誠大禮輸龍門回望處佳氣積蒼梧

孝陵恭紀卷上

七

癸未

上至純親王停觀之所祭奠微雨復霽

駐蹕鮎魚池行宮

四月朔甲申

上行圍茅鹿山射得二麋就山陽張幄炙鮮

賜內大臣及近侍諸臣因

問臣杭州飛來峰及冷泉亭景物臣士奇對曰唐白

居易記云山樹爲蓋巖石爲屏雲從棟生水與

階平約略見之矣

駐蹕鮎魚池行宮

乙酉

上周視

孝陵風水按

孝陵本鳳臺山在遵化州南四十里峰巒層秀頂如

華蓋羣岫環拱衆水來歸規模弘整天造地設

五峰山在東北崛起東曰快目南曰瑞雲西曰

紅翠北曰虎岳中曰紫蓋綿聯起伏互相擁護

真奇境也今封爲

昌瑞山載祀典

駐蹕紅門外

丙戌

駐蹕鮎魚池行宮臣錄盤山遊記及詩進呈

孝陵恭紀卷上

八

御覽

丁亥隨

上行圍過馬蘭谷馬蘭關舊設副將駐防關口其標

下守備駐馬蘭谷守

陵官員及上三旗甲士裸居於此方二月時

兩皇后山陵巨典臣士奇同學士臣張英編脩臣杜

訥寄寓道院旬有餘日春花未放茲來已綠葉

成陰矣

駐蹕鮎魚池行宮

再至馬蘭谷懷學士臣張英編脩臣杜訥

春溪谷口上陵時坐臥閑房十日期細雨纔抽

松葉暗驚雷催放杏花遲還家未久山光別扈
蹕重來草色滋今日經過懷舊侶遙知退食自
形瘁

松亭行紀卷上

九

松亭行紀卷下

內廷供奉翰林院侍講臣高士奇

戊子

上辭

太皇太后巡幸喜峰口外蒙古地方

駐蹕三屯營城南

己丑

上再登景忠山

駐蹕三屯營城南

庚寅

駕出喜峰口按喜峰口古松亭山也奇峰削下腰有

松亭行紀卷下

洞高二丈餘濶倍之遼史爲松亭關隸中京留守司開泰中置澤州俘蔚州民立寨居之王沂公會行程錄亦云松亭嶺甚峻險今喜峰口東北有小城曰徐太傅城爲明徐中山達所築歲久彌堅遠望如碧玉懸崖斗聳人迹希邈昔有人久戍不歸其父來尋適遇此山下相抱大笑喜極而絕遂葬於是俗因謂之喜逢口後訛爲喜峰元許有壬圭塘集載之頗詳兼有詩述其事云兒寒解衣重撫摩兒饑推食孰忍訶長成與國違負戈一去不返當如何去時云出東北鄙直出榆關度遼水白頭郎罷與影俱豈憚山

川千萬里天教此地適相逢父曰從天墜吾子
笑疲樂極俱殞身誰謂情鍾遽如此官家開邊
方未已同生又別寧同死山雲漠漠風颼颼山
頭雙塚知幾秋當時不忍一朝喜今日翻成千
載愁猶勝貞女化為石終古孤身雙不得清江
寒影日悠悠行人一去無消息

駐蹕喜峰口外白臺夜聞虎嘯響振林谷

尾從出喜峰口

清蹕出雄關鳴笳歷荒徼夾嶂真天開壁立盡
奇峭往時設重戍藉此爲險要戰壘虛風生孤
城斜日照年年荷戈人未得息征調自從被

松亭行紀卷下

二

至德遠近奉明詔遂使邊隅民不用驚烽燎喜隨
萬乘來快哉肆登眺

晚宿白臺

塞行未十里塞景已殊異入目多荆榛亂峰含
紫翠翹首睇長城萬載嚴邊備連幕宿山陽迢
遙橫晚吹虎嘯巖谷鳴颼颼風隨至幕火散繁
星周廬環七萃來朝屬車塵應抗凌雲志

辛卯曉發白臺自口內看塞上諸山與長城共
相起伏坡坳平衍步履可登出口則疊嶂層崖
山勢陡峻密篠叢枝攀援無路四望長城雉堞
千天如長蛇夭矯自西而東絕巘平連飛鳥難

越天之所以限中外也過九狐嶺又曰九宮嶺
一徑紆折高下屢乘細澗橫流淺澹競渡中多
楓樹及楂梨榆柳餘花新葉紛映馬前左右高
山蹲巖怪石景隨徑轉爲態多端黃土崖一峰
矗峙峭壁如削石色蒼黃高百餘仞其間多生
松栝有一巖竇在半山巉絕處兩崖中斷支一
木橋危險無異石梁遙望竇中牕牖畢具石佛
橫臥昔傳異僧居焉山有大小石塔七十座土
人名爲打藍蘇妹譯云七十座塔也過此二十
餘里境忽寬平有土城遺址曰寬城相傳明宣
宗駐蹕於此一面倚山一面尚餘土墻通南北

松亭行紀卷下

三

二門甃石殘缺蔓草荒蕪中微見井闌柱礎土
人名爲博洛忽洞者是也按明宣宗實錄宣德
三年八月丁未車駕發京師渡潞河九月庚戌
入薊州至石門驛喜峰口守將遣人馳奏兀良
哈萬衆侵邊已入大寧經會州將及寬河宣宗
覽曰是天遣此寇投死耳遂駐蹕石門之東召
問諸將咸請擊之亦有請益徵兵者宣宗曰此
出喜峰口路狹且險單騎可行若候諸將並進
慮緩事機遂決策親征簡精銳騎士三千人人
二騎自持十日糧命文武扈從者悉畱遵化惟
太子少傅楊榮從乙卯出喜峰口軍士銜枚歛

甲韜戈而馳味爽至寬河距敵營二十里分鐵騎爲兩翼夾擊之宣宗親射其前鋒殲三人敵望見黃龍旗悉下馬羅拜請降皆生縛之獲生口駝馬牛羊輜重丙辰駐蹕寬河分命諸將搜山明日移營前進至冷嶺又明日駐會州大饗將士親製詩歌慰勞之又數日班師駐鐵將軍店及擺山站按此則宣宗當日駐蹕寬河纔兩日不知此城何時所建也過寬城數里山更奇峭河流漸廣有石磯黑色周十數丈交枕河畔夾岸生芳枳木連雜以草卉山水之趣聊以騁懷

御製詩集卷下

四

上尚食水次

諭臣士奇曰前朝此土悉爲枕戈臥甲征戰之所自我

太祖

太宗威德遠敷數十年來蒙古四十八部盡歸王化今朕巡幸所經安得不念

祖功

宗德臣士奇對曰仰見

聖心不忘創業艱難誠社稷蒼生之福也

駐蹕大石磯北是日

御製過黃土崖大石磯詩二首臣士奇捧讀畢恭和

進呈歸幕後又得襍詩數首

御製巡幸出喜峰口過黃土崖

紫塞雙崖出丹梯百尺懸草香遮細路樹老臥晴煙地爲時巡到山當隘口偏何年留石室駐馬望層巔

御製大石磯

遠近峰迴合潺湲淺溪一磯橫大石萬騎出層林蒙密巖花發綿蠻谷鳥吟龍堆塵不到憑眺足娛心

奉和

御製過黃土崖原韻

御製詩集卷下

五

黃崖天外削碧樹半空懸徑絕遲歸鳥山空聚午煙北來千嶂密西去一關偏

萬乘披襟處風迴百尺巔

奉和

御製過大石磯原韻

山色看多變行程覺漸淡花光浮斷岸水氣散喬林怪石千雲染攢松萬籟吟

龍鑣成小憩灑墨寄遙心

長城

羸秦曾設險絕微營堅城蜿蜒亘萬里形勢何崢嶸塹山築雉堞絕壁同雲橫人工旣已盡天

險巍然成控制接陝右拱抱環燕京疇昔邊事
嚴老幼苦長征秋聲警哨動夜火邊烽明

盛朝久息戰四境歌承平石樓鳥雀栖亭障荆棘
生但看飲馬窟日落寒潭清

過九狐嶺

六龍乘曉發萬騎陟重岡灌木翳青天亂石紫羊
腸縱橫澗水流隱約山花香山花非一狀紅紫
含芬芳更有青楓樹芳蔭凝衣裳仰面觀奇峰
怪石紛低昂時當四月初猶覺山風涼曠然心
眼豁不似披遐荒兼旬實壯遊塵慮應相忘
黃土巖

樓子行紀卷下

太

何年鑿山骨竚立疑千尋徙倚不可卽駐馬空
沉吟藤梢與葛刺蒙密何陰森懸崖支一木微
徑通嵌嵌巖扉有遺跡邈矣煙霞淡杳靄青松
際白雲迷至今

寬城是明宣宗駐蹕處

山川盡逼仄草樹更蒙茸行行忽開廣疑有城
郭縱西南倚峭壁土阜餘高墉傳是翠華駐彷彿
門兩重草中見堦城石鏤山花穠當年辟疆
土此地陳軍容裹糧驅戍卒打火起邊烽今逢
聖人出萬里皆提封

駐蹕寬城北五里水次

省方入遼疆駐蹕蒼崖裏崖下俯長河波瀾最
清駛娟娟三兩峰掩映雲霞紫微風響礫松殘
陽下流水幽賞平生懷對此翻然喜捲幔息銀
燭愛看山月

壬辰山崖盤複前望似無去徑峰迴路轉乃更

豁通出達希喀布齊爾口爲蒙古界山情頓易
喀爾沁部落長率其所屬跪迎道左

上慰勞之

駐蹕達希喀布齊爾口北

將出達希喀布齊爾口道中作

衆山向背殊峰峰自迴互石上漾清泉山根叢

樓子行紀卷下

七

茂樹咫尺誤行踪往來遵細路灣環數十轉潺
湲八九渡林花雜春夏風景變朝暮勝攬意不
窮塞行有淡趣

車駕出達希喀布齊爾口喀爾沁廓爾沁諸部

落率其所屬伏迎道左

直北幽厓早向誠不須更築受降城職方記載

梯航路王會傳呼拜舞聲紅綻邊花迎雉扇青

搖巖樹轉龍旌太平遊幸非征伐豈是元封自

勒兵

癸巳喀爾沁部落以騎兵三千前驅列圍分左

右翼持兩白旗連岡截野馳二三十里或三四

十里遇有平曠之地園乃漸合高山峻嶺望而
咋嘖類皆土壤策馬可登茂木青榛叅天匝地
獵騎紛馳穿林帶谷司馬相如所云雷動焱至
星流霆擊庶幾似之

駐蹕察漢城地方

從獵

蒼山萬疊雨初晴從獵朝看塞上清月兔射來
誇技絕星狼追得關身輕班聯翡翠翎中坐隊
入鵝黃褶裏行十二羽林皆健將只容欵段一

書生

臣班在親隨侍衛之列

甲午廓爾沁國及班倫諸部落皆至朝于

八
欽定四庫全書

帳殿是日

上於園中射一虎應弦而斃蒙古諸部落觀

上弧矢之威無不頌服

駐蹕烏蘭布爾哈蘇

乙未

上行圍山中水泉清冷纖草鋪茵襍卉柔荑布滿岩

谷有名長十八者紫色蓓蕾元葛邏祿廼賢塞

上曲云雙鬟小女玉娟娟自捲氍毹出帳前忽

見一枝長十八折來簪在帽簷邊卽此花也五

代胡嶠北行記所載旱金蓮大如掌金色燦人

青囊如中國金燈而色類藍二種皆有之又有

離婁開花如鷄子殼中含雙藥色若蓮瓣嬌艷
可愛一名蘭茹芍藥紅白者最多曉風微逗芳
香襲人賦塞外見芍藥詩二首

駐蹕西爾哈河

塞外見芍藥花

絕徼寒多春較遲馬頭驚見兩三枝雖然不及

邦溝種也自穠華鬪一時

淺淺輕紅映玉膚任他開落委靡蕪焉支山下

多顏色得似新花嫵娜無

丙申

上尚食山陽

九
欽定四庫全書

賜臣士奇炙鹿茸一雙少頃

諭臣士奇曰見爾頗能乘馬何不習射臣士奇對曰

臣幼時亦曾習射但力微不能開勁弓今久廢

矣

上曰射乃六藝之一讀書人亦當知之

駐蹕拜查月色如晝夜淡立幕外望塞上山川巉巖

絡繹圍拱中原山空夜半萬籟聞寂惟聞

御營行漏時傳崖谷答響鄰幕諸人俱已熟睡獨立

沈吟賦詩二首

月夜望塞外山川

行漏宵嚴夜月明萬山絡繹影縱橫清漆鳳拍

吹笳壯光動龍堆牧馬驚紫塞蒼蒼綿大漠黃榆歷歷暗長城天教此地分中外秦漢徒多用武名

塞下感懷

淺草坡前罷獵歸高林斜月影微微金波不改秦時色玉暈仍涵漢殿輝聞信有誰傳錦字庭趨還獨念斑衣休貪定遠功名著客路年來已息機

丁酉沙際草青細渠決決塞外四月早暮猶寒惟亭午日色暄暖有如春暮方當圍場未合下馬跌坐天光雲影別具野趣是日圍中

營行紀卷下

十

上又親射一虎

駐蹕和爾和

戊戌所經時見蒙古居人在山隩向陽處富者支毳幕內設床幔以粧錦爲之亦有箱奩諸具貧者幕上惟覆以葦花布爲幔客至則男婦欣喜炊火熱乳酪奉客有出捫酒梨麪來勸者幕外多樹亂木爲柵以圈牛馬虞有虎害大約塞外山川遠者數十里近者十餘里互相綿亘兩山斷處謂之一溝每溝所住蒙古不過三兩家恐礙放牧也土極肥沃居者嬾於耕耨僅種稗稷不設溝塍播種之後聽其自生以羊爲常餐

比亦知養鷄豚矣

駐蹕巴爾漢湯泉較遵化之泉更熱秦少游所謂蔽于叢薄堙于土塗抱清懷潔歷千百年莫或稍試于用者

上爲留憩月上乃歸

晚至湯泉

夕照下西嶺平楚生荒煙千旗散晚獵萬馬奔前川忽看碧草際一水流濺濺溪澗轉澄澈暖氣如沸煎少坐濯塵纓云是古湯泉遠聽鏡吹發帘幕燈光懸四望盡暝色圓月明山巔

已亥平明巡視者報夜來虎至營中傷一驪馬

營行紀卷下

十一

拖至前山林木下食未半其虎尚在山間

上率侍衛往射殪之其大如牯牛諸蒙古云此虎久踞道側傷人甚衆今除行旅之害共相色喜爲賦射虎行是日山間鹿麀極多雉方卵于草間得一子獻者資銀五分所進數千枚

駐蹕烏郎岡岡

射虎行

皇輿蕩蕩界蒙古

玉輦時巡歷茲土廻岡巨壑叢棘多陰森林木不知午千騎萬乘排空來夜張行殿山之塢月上忽聞羣馬驚傳道山前出猛虎曉看一馬果摧